



# wantok

Niuspepa bilong ol Papua Niugini stret

NESENEL


Namba 225

Bilong wik i stat long Sarere, 1 Julai 1978

Prais 10t.

## OL I REDI LONG WOK






*Poto antap i soim Mista John Reynolds i paitim tok wantaim wampela man bilong PNG i kism kos long bosim ol skul. Man ya em i Mista Moses Taian bilong Mouk viles klostu long Lorengau long Manus Ailan. Em i hetmasta bilong Gerehu Praimeri Skul long Port Moresby.*

Poto i kam long Australian Information Service. Alex Ozoline i kism.

*Poto daunbilo i soim Mista John Streckfuss i trenim tupela man bilong PNG long pasin bilong ranim ol kos long haikul. Man long lephan em i Mista Peter Paragai (bilong Lakuramau viles klostu long Kavieng long Nu Ailan Provins) em nau i hetmasta bilong Paruai Praimmeri Skul; na Mista Herman Saet (bilong Lihir Ailan long Nu Ailan Provins tu) em i hetmasta bilong Lakazi Praimeri skul.*



Fatima High School  
P.O. Box 67  
Banz, W.H.P.

Mista Joe Apa (13)

Agricultural Training College  
P.O. Box 30,  
Banz  
Western Highlands Province.

Mista Isoea Mara  
Mista Hiwi Matiape  
Mista Benson Nare  
Mista Kewa Kenedy  
Mista Parope Amia  
Mista Tayi K  
Mista Anton N  
Mista Jim J

Staff Training Centre  
Bomana,  
P.O. Box 6373,  
Boroko

ACD.2849 Paul Lala (18)  
ACD.2861 Nai Kundi (17)  
ACD.2850 Emil Arami (18)  
ACD.2856 Godfried Hauanga (19)

Nazarene Hospital  
School of Nursing  
Kudjip.  
P.O. Box 456  
Mt. Hagen.

Mis Roberta Kandii

Skul Bilong Stuakipa,  
P.O. Box 330,  
Wewak.

Mista Joe Ikeu (20)  
Mista Andrew Tonove (20)  
Mista Jack Tongundal (19)  
Mista Anton Sela (19)  
Mista Philip Muru Beri (18)  
Mista Mathew Gaw. (18)

P.O. Box 1526  
Lae.  
Morobe Province

Mista Jim Kinsby

St. Fidelis College  
P.O. Alexishafen  
Kap. Madang.

Mista Philip Ame (17)  
Mista Francis Laina (17)  
Mista Fexie Isodore (16)  
Mista Arnold Aniel (17)  
Mista Tomas Wum (17)  
Mista Leo Yakopa (17)

St. Joseph's Junior Tech.  
School, P.O. Box 288  
Lae. Morobe Province

Mista Alphonse Masi (16)  
Mista Gerold Awahaki (17)  
Mista Francis Barem (17)  
Mista Joseph Tiram (17)

Moga Trading  
P.O. Box 1183  
Mount Hagen

Noki Wila (16)

Lurane Village  
Pangia Sap Provins  
P.O. Box 38  
Pangia, S.H.P.

Meamina Moke

Arawa Enterprise Pty Ltd.  
P.O. Box 566  
Arawa, Bougainville  
North Solomons Province

Mista Mark Guin (18)

Department of Lands &  
Environment  
P.O. Box 6601  
Boroko. PNG

Mista Dennis Keboya

P.O. Box 201  
Arawa. N.S.P.

Mark Guin (18)  
Peter Auru (17)  
Joseph Mako (20)



National weekly in  
Melanesian Pidgin.

Editorial Officers:  
P.O. Box 1982  
Boroko

Phone: 25.2214  
25.2552  
Telex: NE 22213

Branch Offices:  
Wewak  
Phone: 86.2479

Wabag  
P.O. Box 111  
Phone: 57.1018

Advertising:  
In P.N.G.  
Ms. Penny Donald  
Phone: 25.2214

In Australia:  
Peter Halse Associates  
King York House  
32 York Street  
Sydney (2000)  
Phone: 29.7527  
Telex: 221. 409

Subscription Rate:  
Annual: K8.00.



## SPOT I HANGAMAP LONG BIA, LAKA?

Long dispela wik Misis Nahau Rooney, Minista bilong bosim ol strongpela dring, i bin tambuim SP na San Mig faktori bilong wokim bia, long yusim nem bilong tupela long tokim ol manmeri: "SP i sapotim spot" o "San Mig i sapotim so" na kain samting olsem.

Long tupela nait bihain long dispela nius sampela bikpela man bilong spot i bin tokaut sori long NBC long dispela samting. Ol i wari nau, long wanem tupela SP na San Mig i bin givim planti mani moa long helpim spot. Ol i save baim ol yunifom bilong ol pilaya na baim rot bilong ol, na planti samting olsem. I luk olsem ol dispela man i laik putim hevi long Misis Rooney long senisim tingting bilong em long wanem, em tu i laikim spot. I olsem ol i laik tok: Yu tambuim bia, yu bagarapim spot.

Mipela i laikim tru SP na San Mig i mas helpim spot na ol spotman. Kas bilong ol. Tasol mipela i ting olsem: Sapos ol i givim mani o mekim wanpela gutpela samting bilong sapotim spot, orait, ol i ken raitim wanpela tok save long dispela samting na givim long ol niuspepa na long redio. Na ating ol niuspepa bai hepi long stori long dispela wan-kain olsem ol i save stori long gavman bilong Australia o Nu Silan i bin sapotim o helpim wanpela wok long kantri. Orait, olgeta taim SP o San Mig i mekim wanpela gutpela wok olsem ol i ken wokim wanpela tok save, na ol niuspepa i ken kisim. Em i no edvetais, em i nius, na i gutpela nius. Na i no gat man o meri egens long dispela.


Tasol dispela aidia long skulim ol yangpela pipel long pasim SP o San Mig wantaim spot oltaim oltaim, em i olsem wanpela man i sanap na i tok: "Yu lukim: ol bikpela spotman ol i man bilong dringim bia. Ol i man tru. Yu man tru. Yu man tru, yu dringim bia." Ol yangpela pipel wantaim yangpela tingting bilong ol, i lukim dispela tok oltaim oltaim. Ol i no inap lusim. Ol tu i laik bihainim. Em dispela tasol i bikpela wari bilong gavman.

Mipela i ting SP na SAN MIG - dispela tupela tok i gat wanpela mining tasol long dispela kantri - bia. Yu no mas tokim ol pipel long dispela samting. Olgeta ol i save pinis. Mipela i ting tupela faktori bilong bia i westim mani tru long edvetais. Mipela i ting sapos tupela i no givim liklik mani tru long edvetais, na tupela i no tokaut olgeta long bia bilong ol, bai tupela i no lusim toea tru. Oltaim oltaim moa na moa manmeri i save baim moa na moa bia. Bilong em yet bia i go het. Watpo edvetais? Yutupela i westim mani.

Na dispela mani yutupela i sevim long wanem yutupela i no edvetais, em nau, dispela bikpela win mani yutupela ken givim long helpim spot. Bai i moa yet. Na yutupela ken tokim mipela niuspepa pipel long dispela, na mipela i ken stori long en. Na i no gat tok.

Olsem tasol yutupela i win, na spot i win, na Misis Rooney i win.

# Tambuim olkain tok gris long bia



Minista bilong bosim ol strongpela dring, Misis Nahau Rooney, i bin salim wanpela pas i go long tupela bikpela faktori bilong wokim bia, em SP na San Mig, na i tambuim tupela long yusim nem bilong ol aninit long ol bikpela tok save long kain kain spot o kain kain so na samting olsem.

Planti taim dispela tupela bia kampani i save helpim ol spot na pilai na givim mani long mekim go het wok bilong ol o baim rot bilong ol pilaya bai ol i ken go long narapela hap bilong bikpela pilai. Na ol i bin mekim dispela sapos nem bilong ol i ken kamap long tok save. Na long niuspepa ol i save tok olsem: "SP i sapotim spot. . . San Mig i sapotim spot. . . ." na kain samting olsem.

Nau Misis Rooney i tok, dispela i tambu, long wanem em i narakain tok gris bilong salim bia tasol. Na tu ol i putim nem bilong ol long ol T siot na hat na ambrela na kain samting olsem. Na dispela tu em i laik tambuim.

Planti taim long ol bikpela niuspepa yu ken lukim wanpela pes olgeta i pulap long poto o kain kain tok save na aninit oltaim dispela bikpela tok i kamap: "SP i sapotim San Mig i sapotim" . . . o kain tok olsem.

Ol spotman na tim i wari liklik nau, long wanem ol i pret long lusim sapot na mani bilong mekim planti kain wok bilong ol, na bilong baim ol prais, na ol samting bilong pilai, na baim rot bilong ol tim.

Tasol gavman i bel nogut moa moa yet long planti wari i kamap long pasin spak i laik karmapim dispela kantri. Na bikpela as bilong dispela em i pilim, em i bia tasol. Gavman i no laik tambuim bia olgeta. Nogat. Tasol em i laik pasim rot bilong em. Gav-

man i putim hevi long dring na bia, long wanem, planti pipel moa nau i save brukim lo, i save bagarap long draiv, na ol famili i bagarap.

Long ABC long Australia ol i bin autim wanpela hap nius tu i tok: Mista Tom Koraea, Minista bilong bosim ol Midia (em redio na niuspepa) em i ting tu long tambuim ol redio na niuspepa long mekim edvetais o tok gris long olkain rabis kaikai na loliwara.

## 500 Soldia long Wes Sepik

Long wik i go pinis Praim Minista Michael Somare, olsem hetman tru bilong lukaut long kantri, i bin odaim ol namba bilong soldia bilong Papua Niugini Difens Fos i mas go inap long 500 nau bilong mekim wok long bosim arere namel long Papua Niugini na Irian Jaya.

Gavman i laik bai ol soldia bilong mipela i stapim wok bilong ol Wes Papua fridom paitman - em lain i traim putim hevi long gavman bilong Indonesia long givim independens long Irian Jaya. Na bilong dispela ol i bin kalabusim 7-pela man bilong gavman bilong Indonesia. Na nau ol i hait long bus wantaim ol, inap Indonesia i redi long sindaun toktok long independens.

Indonesia i belhat tru long ol dispela paitman na i tok bai ol i kilim ol tru na pinisim ol olgeta. Olsem na sampela nius sevis i tok planti soldia bilong Indonesia moa i bung i stap long hap bilong PNG ami i bin lukim wanpela grup soldia bilong Indonesia i stap nabaut long taun Kamberatoro, em i 10 kilomita insait long arere bilong PNG. Na sampela soldia bilong Difens Fos i bin kisim tok save long

sampela pipel long dispela hap i tok, ol Irian Jaya soldia i bin bagarapim sampela gaden bilong ol.

Olsem na ami bilong mipela i bin salim 100 soldia i go long dispela hap, na sapos ol i painim ol dispela soldia Indonesia i bin kalapim mak bai ol i tokim ol, ol i mas go bek long hap bilong ol.

Ol soldia bilong mipela i gat ol hetkota kem bilong ol Wutong, Bewani, Imon-

da, Amanab, na Grin Riva. Na ami bilong mipela i save pinis hetman bilong ol fridom paitman, em Mista Jakob Prai, i stap we. . .

Ol sampela studen bilong Wes Sepik i stap long Yunivesiti bilong PNG i no laik ol soldia bilong mipela i raun long hap bilong as ples bilong ol, long wanem ol wantok long ples nau i no ken mekim wok gaden na painim kaikai long bus na wara, olsem na ol i bel nogut long dispela.



## AITAPE O VANIMO?

Dia Edita - Mi laik bekim tok bilong brata ya Bernard Waingrep. Mi amamas tru long tok bilong em: Em i tok olsem Aitape mas kamap hetkota mi amamas tru long dispela toktok bilong em. Bikos Aitape em i stap namel long ol sab provins olsem Lumi na Nuku. Vanimo ya i longwe tumas. Na tu hetkota i stap long Vanimo em i no save mekim wok long kirapim Wes Sepik. Nogat tru. Nogat haiskul bilong em olgeta pikinini bilong Wutong na Vanimo ol save go long Aitape tasol. Aitape, Lumi na Nuku i no bikpela taun em liklik taun tasol. Mipela traim pes bilong mipela na mipela-wokim haiskul.

Vanimo ya draipela hetkota nating tasol ol i no mekim wanpela haiskul. Mi hepi ol i ken putim Aitape hetkota, maski long Vanimo.

Hia long Wewak ol i gat planti samting i save kamap long olgeta yia. Na tu Wewak em hetkota bilong Is Sepik na em i gat 3-pela haiskul na long liklik provins olsem Maprik na Yangoru tu i gat haiskul.

Mis M. Tiva,  
Yarapos/E.S.P.

## LUS BIA

Dia Edita - Mi laik autim wari bilong mi. Mi bin harim long N.B.C. nius long Port Moresby. Lida bilong oposisen, Mista Iambake Okuk na namba tu lida bilong oposisen, Dokta John Guise, tupela i toktok long taven na klap. Tupela i tok olsem. Olgeta viles stuakipa laisens bilong salim lus, bia mas pinis. Ol taven na klap tasol bai stap.

Dispela toktok bilong tupela i no stret. Taven na klap i bungim planti pipel na kain kain tingting bilong ol man i save kamapim planti trabel oltaim. Tupela oposisen i mas luksave gut long viles pipel


pastaim tupela toktok olsem.

Viles lus bia em i gutpela. Ol i dring wanpela lain tasol dring, na ol i go slip long haus bilong ol. I no gat trabel save kamap. Sapos taven klap, em mas kamap long taun, i orait. Na long viles lus bia tasol. Nau dispela taim 1978 i no gat trabel save kamap long bia. Em as bilong en olsem lus bia long viles olsem na oigeta ples i kwait gut tru.

Em tasol wari bilong husat laik bekim. Bekim tasol long Wantok nius.

Gipma K.

Ku Viles/Kundiawa.



## TAMBUIM RASIA NA SAINA

Dia Edita - Mi laik tok liklik long tok bilong Foren Efeas Minista, Mista Olewale long niuspepa em i bin tok long komyunis na saina i ken kam na wokim opis bilong ol long Port Moresby.

Mi ting em i no stret long yumi singautim ol komyunis long kam insait long kantri bilong yumi. Mista Olewale i no save gris na tingting bilong ol komyunis. Gris bilong ol na trik bilong ol i narakain tru. Dispela em i demokretik kantri na mipela pipel bilong kantri i les tru komyunis long Papua Niugini.

Mi ting olsem, dispela kantri bilong yumi em fri kantri. yumi larim narapela kantri i kam insait long Papua Niugini na yu ting inap sindaun long kantri bilong yumi em gutpela? Mi ting em i no gut. Yu putim kaikai long wanpela ples na larim 4-pela dok i kaikai gut, em i no inap kaikai gut.

Yu mas tingting gut na mekim wok bilong yumi long Papua Niugini olsem na yumi no ken harim gris tok bilong ol narapela lain man. Em tasol sotpela tok bilong mi.

Wanis Peter,  
Rabaul.

## PRIS MARIT

Dia Edita - Hia namba wan taim nau mi rait long Wantok Nius. Mi lukim long Sarere, 3 Jun 1978. Mi lukim long pas bilong brata ya Paul Wamkon, Ambunti/Is Sepik.

Brata, yu tok long Pris, Brata, Sister i marit. Olsem wanem na yu tok, yu laik marit yu ken marit. Bilong wanem yu tok long ol pris, brata, na sister?

Roman Kaotlik sios long taim bipo i gat lo na husat manmeri i laik karim wok bilong Krai, na i laik kamap misinari olsem pris, brata, sister, ol i gat strongpela lo tru. Ol i no ken marit. Sapos wanpela i lusim wok, em i ken marit. Nating brata yu bosman bilong ol pater, brata, na sister, na nau yu laik senisim dispela lo na bai ol i marit, a?

Yu no hetman bilong ol o yu bosim lo bilong ol, tok bilong yu i no stret. Yu kristen bai yu save tasol. Mi ting yu wanpela haiden tru.

Yu be' kros, sutim pas long Wantok. God bles yu, brata.

P. Arukai Kambi Nemwe,  
Madang.

Salim ol pas  
i kam long:

WANTOK  
BOX 1982  
BOROKO

## RASKOL PASIM ROT

Dia Edita - Mi laik autim tingting bilong mi long Wantok niuspepa. Tingting bilong mi i go olsem.

Gavman mas autim ol raskol kwiktaim tru. Nau i luk olsem i gat moa na moa raskol i save stil o brukim haus na kamapim planti trabel long olgeta hap bilong kantri. Mosbi taun em yet i gat planti ol raskol tru.

Sapos gavman i no kirap kwik long pasim dispela pasin bai PNG i no inap long kisim helpim i kam long ol arapela kantri long

wanem, taim ol man husat i kam harim olsem PNG i pulap long raskol bai ol i tok nogat tasol.

Sampela ol dispela wokman i no save kisim planti mani, tasol ol i save mekim bikpela wok. Sapos gavman i laik kisim tasol ol PNG wokman bai i kostim gavman planti mani long peim ol olgeta yia.

Ol Volontia Sevis Ofisa (VSO) tu i lusim ol gutpela wok bilong ol long kantri bilong ol long kam long PNG na helpim yumi kamapim gutpela wok.

Sapos ol raskol i bagarapim ol na samting bilong ol olgeta taim bai yumi i no inap long kisim helpim. Em tasol. Tenkyu.

Bokhulefa,  
Boroko.

## MISINARI DE

Dia Edita - Hia nau mi i gat wanpela wari, em i olsem long PNG yumi i gat bikpela de olsem, ANSEK DAY, QUEENS birthday na sampela arapela de we mipela save malolo na tingting long ol.

Tasol bilong wanem yumi i no makim wanpela de olsem Misinari De na kisim malolo?

Mi pilim namba wan samting em misinari i kam antap long ol arapela samting bikos ol i bin bringim gutnius i kam long kantri. Mi ting i mobeta gavman i makim wanpela bikpela de i makim ol misinari ol i bin bringim gutnius bilong Jisas Krai long PNG.

Tingim gut. Sapos gutnius i no bin kamap bai wok bilong gavman i no sanap gut olsem nau yu save lukim. Mi pilim sampela saveman i gat ripot long wanem taim ol misinari i bin kam insait long kantri. Na wari bilong mi, yumi mas selebret long givim amamas long God na kantri na husat misinari wok wantaim yumi tu. Em tasol wari bilong mi na husat man yu het pen, salim pas tasol long Wantok. Na bai mi lukim o husat laik sapatim, welkam tu.

Gary Angopa,  
Tambul/W.H.P.

## WANPELA NEM

Dia Edita - Yes plis yu pela mas larim liklik ha spes na mi putim rabis tok tok bilong mi i go insait.

Yes, ol wantok PNC wanem kain tingting tr yupela i gat long rabis ting ting bilong mi? Mi laik to long PNG, yumi i gat war pela bikpela ailan. Tasol bruk long tupela hap. Na no gutpela tumas.

Nau yumi independe pinis na yumi sanap lon lek bilong yumi yet. N inap long wokim wok. Di pela kantri bilong yuri PNG, yumi mas kolir PNG tasol long olgeta hap long san kamap, san dau na long hap solwara lon han sut na han kais.

Mama i karim yumi ma i gat olgeta samting. Na gat strong olsem arapel kantri i gat. Mi no tok na ting mi lukim samting lon ai bilong mi i no stret na mi tok.

Henry Tomamu  
Wewak

## TAMBU LONG AMI BAREK

Dia Edita - Yes mi laik autim liklik wari bilong mi long Wantok Niuspepa Wari bilong mi olsem. Bi long wanem tru ol sampel spotman bilong arapel kantri ol i kam long PNC na ol i save slip long Am Bareks? Olsem wanem?

Ami i no sponsorim ol Nogat. Em ol i kam long samting bilong Spot, ol mas slip long hotel. Em no wok bilong ami, laka Na tu nogut dispela o playa bilong arapela kantri i mas i gat jenelis o spai Em bai kam wantaim ol n. i lukim kem bilong Ami bilong yumi. Na bai ol is long bagarapim yumi.

Gavman i mas tingting gut long dispela. Ami i no samting nating. Sori, nogu ol man i ting dispela pa wanpela ami i raitim nogat. Mi wanpela eks-am mi raitim.

Sapos man i gat wari pli rait tasol i go long Wantok bai mi lukim. Em tasol.

Godfried Sumbukaba  
Lae



# NIUS BILONG OL MERI



## Nita Barrow

Dairekta bilong Helt Komisn bilong Wol Kaunsil bilong ol Sios, em Misis Nita Barrow, i bin lukluk raun ong wok helt bilong ol misin long Papua Niugini inap wan wik nau, na em i amamas long en.

Long PNG i gat wanpela nedikal kaunsil bilong olgeta misin wantaim i save taim wok helt bilong min bai em i wok gut wantaim wok helt bilong gavan. Na dispela bikpela grup bilong Misis Barrow ong Wol Kaunsil bilong ol Sios, em i helpim ol dispela wan wan sios helt kaunsil long wan wan kantri.

Bipo em i bin kamap long PNG, Misis Barrow i bin raun inap 3 wik long Australia bilong lukim gut wok helt bilong ol misin i stap namel long ol lokal pipel bilong Australia.

Bihain em i bin go long Nu Silan bilong stap insait long bikpela selebresen long wanem YWCA i bin stap inap 100 yia nau long

Nu Silan. Misis Barrow em i presiden bilong YWCA bilong olgeta hap bilong graun.

Bihain em i bin raun long Hailans na lukim wok helt bilong ol misin, em i kam bek long Moresby na givim wanpela ripot long ol YWCA. Em i tok, em i belgut tru long lukim olgeta gutpela pasin bilong go het long wok helt bilong ol misin long PNG.

Misis Barrow em i wanpela meri bilong kantri Barbados, em wanpela ailan i no longwe long Amerika. Em i bilong Metodis Sios - em long PNG yumi kolim Yunaitet Sios.

*Poto daunbilo i soim wanpela miting ol i bin mekim long Moresby long olgeta helt dairekta bilong olgeta misin. Nita Barrow i bin stap insait long dispela miting.*



Nita em i gat setifiket olsem spesel nes i sambai long ol meri long haus karim. Bipo em i kisim wok bilong Medikal Komisn em i holim wok insait long WHO (Wol Helt Oganaisesen, em i wanpela han bilong Yunaitet Nesens).

Yunaitet Sios long PNG na Medikal Komisn bilong ol Sios (em hetkota bilong ol i stap long biktaun Geneva na kantri Swiserlan) i bin baim rot bilong em.

Brata bilong Misis Barrow, em Mista Errol

Barrow, em i praim minista bilong ailan Barbados inap 15 yia. Nau em i lida bilong oposisen.

*Poto antap i soim wanpela grup nutrisen opisa i stap kibung long Goroka. Ol i save wari moa long kain kain kaikai ol pikinini i mas kisim bai ol i gro gut.*

Dispela taim yu ken painim olkain gutpela kaikai bilong kukim long pes 8.



# SINGER



**PREN  
BILONG YU  
INAP OLTAIM**



© The Singer Company

# Aveling Barford Pacific Pty. Ltd.

## For your civil engineering, agricultural and domestic machinery.

### Graders

Weight range 11,000-19,000 kg  
All Wheel Drive and Steer  
Conventional  
Leaning Wheel  
Hydraulic Controls  
Powered by Leyland or  
G.M.  
Powershift or Standard  
Transmission




### Front End Loaders

Bucket Sizes of 1.3 cu.  
metres to 3.82 cu. metres  
Pivot or rigid frame available  
Logging Attachments

### Rollers

Vibratory Rollers  
Self-propelled or Towed  
Hydrostatic Drive  
Pivot Steer  
Asphalt Conversion  
Padfoot Roll



Head Office: Ume St., Gordon, Port Moresby,  
P.O. Box 6457. Phone 257166. Telex 22206.  
Lae Depot: Morobe Ave, P.O. Box 1191, Lae.  
Phone 424188. Telex 42411.



## THE INVESTMENT CORPORATION OF PAPUA NEW GUINEA



*Long poto antap yumi ken lukim sampela man bilong  
Tari long Saten Hailans i sanap holim winmani ol i bin kism  
long Invesmen Koporesen ofis klostu long ol.*

BAIM SEA LONG INVESMEN KOPORESEN  
BILONG PAPUA NIUGINI

*na bai yu kism winmani bilong wanpela  
bikpela bikpela kampani tru*

Sapos yu laik save moa long we bilong kism  
winmani, yu rait long: Investment Corporation  
P.O. Box 155  
Port Moresby

NEM BILONG YU: .....

ADRES BILONG YU: .....

.....

## WARI LONG PLANTI PIPEL

Long Rabaul ol i bin gat wanpela kibung bilong autim wari bilong planti pipel tumas i kamap insait long PNG nau. Ol PNG mama i save karim 80,000 pikinini long olgeta yia na sampela man bilong Dipatmen bilong lukaut long ol samting bilong kantri i wari long dispela.

Man i tingting planti na i stiaim wok bilong dispela dipatmen em Mista Nou-Taboro. Em i tok olsem: "Tude yet mipela i gat planti graun long wokim rot na haus na taun na siti. Tasol sapos mipela i karim planti pikinini tumas na kantri bai pulap na mipela bai no gat inap spes na kaikai na bai mipela i kamap olsem ol tarangu i stap long sampela kantri long Esia, ol i mumutim kaikai tasol na i slip long ol rot nabaut."

Na bihain gen em i tok olsem: "Dipatmen bilong mi i no laik stapim ol pipel long karim pikinini long famili bilong ol. Nogat. Mipela i laik tasol ol putim spes bilong sampela yia namei long wan wan pikinini, bai mama na pikinini tu i strong."

Narapela opisa bilong dispela dipatmen, em Misis Miriam Paep, i tok moa olsem: "Long olgeta 100 pipel i stap long PNG tude, 43 i no gat 15 krismas yet, na 4-pela i winim 65 krismas pinis. Em i min, ol dispela lain pipel i no inap mekim wok bilong helpim kantri. Ol i yangpela tumas o lapun tumas."

Long sampela provins bilong PNG i no gat planti pipel, olsem long Galp na Westen. Tasol long Hailans i gat planti liklik.

Bilong olgeta 100 pipel, 80 i stap yet long ples ausait long taun na i groim kaikai bilong ol long gaden. Na 20 bilong olgeta 100 i stap pinis long taun na i mas painim wok. Planti fama na pipel bilong ples i save ran i kam sindaun long taun, i ting long painim gutpela wok na gutpela pe.

## ISTEN HAILANS SO

Bipo dispela i gat nem Goroka So, tasol nau em i gat nem Isten Hailans so, long wanem em i laik singautim ol pipel i ausait long Goroka tu i ken kam insait.

Dispela Isten Hailans so bai kamap long 23 na 24 Septemba.

Sampela arapela provins tu i laik kam insait long So. Ol i wetim sampela pipel bilong Enga na Westen Hailans na Simbu na Morobe na Madang provins i laik kam insait mekim singsing bilong ol.

Komiti bilong dispela so nau i redim ol samting. Ol bikpela skul na koles long Goroka i redi long larim ol kam man i slip long ol klasrum bilong ol. Na Goroka Teknikal Koles bai givim spes bilong wan wan nait long ti bilong wan kina.

Sapos yu gat askim o wari long dispela so, yu ken ring long hetman bilong komiti long Goroka. Namba bilong em: 72.1569.

## No gat poto moa long vot pepa

Mista James Mileng, em Komisina bilong bosim olgeta ileksen, i tok save olsem: Long dispela wan wan bai-ileksen bilong inapim ol memba bilong palamen, em i las taim bai ol i putim poto bilong olgeta man i resis long ileksen antap long pepa bilong vot, bai ol votman i ken lukim poto bilong man na sainim mak bilong ol long nem i stap arere long poto.

Mista Mileng i tok, dipatmen bilong em i no inap putim poto bilong wan wan kendidet antap long vot pepa. Long las ileksen ol i painim em i bikpela wok tumas. Na olsem ol i gat nupela aidia bilong mekim long ileksen bilong yia 1982.

I no gat lo i tok i mas gat poto antap long vot pepa. Nogat. Bipo gavman i ting em i gutpela aidia, tasol em i bin painim, em i no inap mekim. Tasol i no gat tambu long wan wan kendidet i putim poto bilong em long bikpela hap pepa na hangamap wantaim toktok bilong em nabaut long taun na rot na tri samting.

Long nupela aidia, Komisina bilong bosim ol ileksen i ting long givim spesel mak long wan wan kendidet i resis long ileksen. O wan wan politikal pati i ken gat mak bilong em stret. Dispela man bilong dispela man o dispela pati i no ken senis - long olgeta ileksen bihain, bai em i stap olsem tasol. I olsem: wanpela man o pati i gat mak bilong muruk o pukpuk o kapul o snek o balus o trausel o taragau o kain samting olsem. I wankain olsem wan wan lain pipel tude i gat pisin bilong en stret.

Taim ol i traime printim ol poto bilong ol kendidet, ol i hatwok tru long kisim poto bilong ol na prinim. Na ol kendidet i stap long bikbus, ol i no inap salim ol samting i kam. Olsem long las ileksen gavman i no yusim poto olgeta. Nogat sampela man i gat poto i win na ol man i no gat poto i lus.

Long planti nupela kantri ol i save yusim dispela kain pasin bilong putim mak klostu long nem bilong kendidet na ol yet na ol votman tu i bin laikim. Olsem mipela laik traime hia.

## Pablik sevis asosiesen kibung

Long mun Jun Pablik Sevis Asosiesen i bin putim namba wan kibung bilong en bihain long independens bilong PNG.

Pablik Sevis Asosiesen i olsem wanpela tret yunion bilong olgeta manmeri i wok long gavman. Ol i go inap long 40,000 samting. Na olsem PSA i winim olgeta arapela yunion long kantri.

Presiden bilong dispela Pablik Sevis Asosiesen em Mista James Mileng, em i save holim opis bilong Komisina bilong bosim olgeta ileksen.

Ol deliget i wari long ol nupela kontrak bilong ol long wanem ol i aninit long provin-sal gavman nau na i no moa aninit long nesenel gavman stret. Ol i pret bai ol inap raus long wok bilong ol. Na ol i gat bikpela wari yet long painim haus. Na ol i putim hevi long Nesenel Hausing Komisina na Nesenel Wok Atoriti na Fainens Dipatmen - long wanem tripela wantaim i no bin wokim inap nupela haus bilong ol wokman bilong gavman. Na tu ol i no bin fiksime ol arapela haus i bruk bruk nabaut.

Long Septemba bai dispela Pablik Sevis Asosiesen i mekim ileksen bilong en, bilong votim presiden na 15 het opisa bilong ol.

## Rais nius

Long dispela yia bikpela ekrikalsa stesin long Bainyik, em klostu long Maprik long Is Sepik Provins, i bin kisim 200 tan rais long ol fama nabaut long wan wan mun. Long bigin bilong dispela yia ol i save kisim inap 1000 tan long wan mun.

Mista Benjamin Sani, opisa bilong Bainyik, i bin tokim Maprik lokal gavman kaunsil long miting olsem: Ol pipel i no moa taitim bun long groim rais.


Na wanpela kaunsila i bekim tok: Em i bikos prais bilong rais i daunbilo tumas na olsem ol pipel i no laik. Ol i no inap winim gutpela mani long dispela wok.

Tasol long 15 Jun, gavman i bin apim prais bilong ol rais i save kam long ol ausait kantri. . . . em i bilong mekim moa na moa pipel i baim rais bilong PNG stret. Nau wan kilo rais i ken kostim 6 toea moa.



## Coleman Lait em i San Bilong Nait

Coleman kerosin lamp em i nambawan tru long givim gutpela lait long yu. Sapos yu laik baim niupela kerosin lamp askim ol long Coleman tasol.



**Coleman**



GSB18



## MAN! EM GUTPELA KAIKAI!

### SOLPIS WANTAIM BANANA

**Yu redim ol dispela:**

- 10-pela banana bilong kukim
- 6-pela hap solpis
- 12-pela liklik hap pamkin
- 1-pela hap kawawar
- 2-pela smolpela anien
- 2 - 3 kap wara o milis bilong kokonas

**Mekim olsem:**

Rausim skin bilong banana, katim banana long-pela, na putim insait daunbilo long sospen, putim ol hap pamken wantaim. Nau putim ol solpis antap long banana na pamken, na antap long solpis yu kapsaitim kawawar na liklik hap anien yu bin katim pinis. Nau kapsaitim wara o milis bilong kokonas antap na kukim insait long sospen i gat tuptup - inap long wan aua samting. Dispela em inap kaikai long papa na mama na tupela pikinini.



### SOLPIS WANTAIM TOMATO NA RAIS

**Yu redim ol dispela**

- Sampela solpis
- Sampela tomato
- Sampela anien
- Sampela kumu o grin lip
- Sampela rais

**Yu ken kukim olsem:**

Kukim solpis wantaim ol tomato na anien insait long wanpela sospen i pulap hap long wara. Bihain solpis i malumalu na i tan, orait, nau yu putim kumu o sayor o grin lip i go daun wantaim na kukim ol dispela samting inap 5 minit moa.

Taim dispela i kuk long wanpela sospen, orait, long narapela sospen yu kukim rais. Tasol yu no ken putim sol long rais; sol bai kamap long solpis yet. Bihain rais i tan pinis, orait, nau sūtim long plet na putim pis na sayor samting antap long en.

WINIM MANI ISI TUMAS

PAINIM NA KISIM OLPELA TAIA I KAM  
MIPELA DUNLOP I SAVE BAIM

**DUNLOP**

LAE: Aircorps Rot - klostu long maket



**AIR NIUGINI**

THE NATIONAL AIRLINE OF PAPUA NEW GUINEA



**NUPELA**

**SMOKBALUS**

**RESIS TRU LONG**

**BRINGIM YU LONG PLES**



Olgeta poto long dispela pes i soim sampela bilong ol 45 man bilong PNG i kisim spesel kos na trening long bikpela institut bilong Foren Afeas Dipatmen bilong gavman bilong Australia, we em i save skulim kain kain spesel studen i kam long ol Pasifik kantri.


Poto antap long lephan i soim Mista Graig Simmons, tisa bilong lokal gavman na provinsal gavman, i toktok wantaim Mista Ken Sowano (Tonguwunjam viles klostu long Ambunti, Is Sepik) em i wokman bilong Maprik Lokal Gavman Kaunsil; Mista Jesse Bakaman (Waigakum viles, Is Sepik) wokman bilong Kandep Lokal Kaunsil long Enga; na Mista Solomon Maraga (Saroa viles, Sentral Provins) bilong provinsal gavman dipatmen long Ihu, Galp Provins.

Poto long lephan i soim: Mista Leo Tualir (Nabumai viles long Nu Ailan) bilong Cape Nelson Kaunsil; Mista Tony Tau Lakani (Kapa Kapa viles long Sental Provins) bilong Nu Ailan Provinsal gavman; na Mista Francis Sauke (Kimbe, Wes Nu Briten) i wok long Wahgi Lokal Gavman Kaunsil.




Poto daunbilob lephan i soim Mista Mark Casinimir (Korua viles, Goilala, Sentral Provins) bilong Ilimo Kaunsil; Mista Paru Kamuri Kairi (Mapaio viles, Galp Provins) bilong Lousiade Lokal Kaunsil; Mista Pune John Puana (Wairavanua viles, Sentral Provins) bilong Milne Bay Eria Atoriti; Mista Ao Reginald Rauka (Pinu viles, Sentral Provins) bilong Marshall Lagoon Lokal Kaunsil; Mista Tony Ted Bau (Kwalimururu viles, Rigo, Sentral Provins) bilong Maun Hagen Lokal Gavman.

Olgeta poto long dispela tupela pes i bilong Australian Information Service, na Alex Ozolins i kisim.



**AUST  
HELPIN  
STU**





# BALIA PLANTI DEN

Lain man long poto daunbilol i tren long kamap menesa. Man i sindaun namel em Mista Bagelo Vere (Kapa Kapa viles, Rigo, Sentral Provins) em i bilong Malaria Sevis long Helt Dipatmen; Mista Anthony Soalibia (Baliau viles, Bogia, long Madang Provins) em i bilong Jant Somil long Madang. Tupela man i sanap (long lephan) em, Mista Vimuru Iagata (Saroa viles, Rigo, Sentral Provins) bilong provinsal gavman dipatmen long Vanimo, Wes Sepik; na Mista David Kedeo (Barakan viles, Sentral Provins), em i wok long Hagemayer Kampani.

Poto antap em i soim Mista Malcolm Bai (Gule viles, Koskins, Wes Nu Briten), Mista Benjamin Mwangyaya (DAyagile viles, Trobriand Ailan) na Mista Clement Wallis (Lauring viles, Kandrian, Wes Nu Briten). Olgeta ol i bilong CIB, Boroko.

Poto antap long raithan i soim: Mista Saibu Ako (Mabudune viles, Daru, Westen Provins) bilong Madang Plis Stesin; Mista Patrick Semi (Poi viles, Talasea, Wes Nu Briten) bilong Wewak Plis Stesin; Mista Austin Guau (Gloucester, Wes Nu Briten) bilong Madang Plis Stesin.

Poto long raithan: Mista Steven Matawe (Arop viles, Aitape, Wes Sepik) bilong Kavieng Plis Stesin, Mista Peter Aigilo (Katange viles, Gloucester, Wes Nu Briten), bilong Lae Plis Stesin.

Poto daunbilol long raithan em: Mista Geoffrey Vaki (Bereina viles, Sentral Provins) bilong Konedobu Plis Hetkota; Mista Lua Vanua (Marshall Lagoon, Sentral Provins) bilong Plis hetkota long Konedobu; na Mista Charles Sorman (Lihir Ailan, Nu Ailan) bilong Bomana Plis Koles, Port Moresby.

Man i skulim ol long ol dispela plisman, em i Dokta Peter McLaren.



# SOLPIS BISNIS

Ikuli Magamo em i bilong ples Magendo long hap bilong wara Sepik. Em i tok, em i no save hamas krismas em i gat, tasol i luk olsem krismas bilong em i samting olsem 50 yia. Na tu em i tok em i kirap nogut long taim liklik bisnis bilong em i stat long go het gut long mun Julai long las yia.

Ples bilong em i stap samting olsem 40 mail longwe long opis bilong Dipatmen bilong Praimeri Industri long Angoram. Ikuli i tok, bipo em i save kisim moa pis, tasol long dispela taim em i no mekim mani o profit liklik long ol dispela pis em i pulim. Em long wanem, gavman i no bin kirapim dispela projek bilong solpis long dispela taim yet.

Em i tok nau em i save wimim K300 long wanpela mun long umbenim pis tasol. Na long dispela tasol em i ting long bihaintaim bai ol i kisim moa mani long mekim bisnis bilong em i kamap bikpela.

Em i save putim umben bilong em long wara long apinun. Long moningtaim em i go bungim pis i kalabus long umben. Em yet i save rausim bel bilong ol dispela pis. Bihain em i save putim sol antap long ol na putim insait long wanpela plastik basket.

Ikuli i save larim ol dispela pis i stap insait long dispela basket inap long tupela nait samting. Na bihain long dispela, em i save go putim antap long sampela bet na larim san i draim ol inap long wan wik olgeta. Hevi bilong pis ol i save pulim long wanpela mun em i 3 tan, na mani ol i save kisim i K300.

Long dispela mani tasol, ol i save baim sol na ol umben samting bilong pulim pis. Na tu ol i save baim marasin bilong planim yam na planti ol arapela kaikai olsem long ples yet. Nau ol yet i save kisim gutpela kaikai na i no saksak na pis tasol.

Dipatmen bilong Praimeri Industri i bin helpim em tru, na em i amamas moa. Nau em i taim bilong tingting long wanem samting bai i kamap long bihaintaim. Ikuli em i wanpela man bilong wok hat, olsem na bihain long olgeta tupela tupela wik em i save kisim pis bilong em i go long Angoram stesin long salim.

Namba tu menesa bilong Angoram stesin, Mista Ephraim Anideleni, i tok Dipatmen bilong Praimeri Industri i save pasim ol pis long liklik plastik bek i gat 500 gram. Na tu em i tok, ol i save kisim olsem 1600 na 1900 kilogram pis long wanpela mun. Tasol las yia ol i kisim 2000 kilogram. Andieleni i tok tu, ol i save peim 50t long wanpela kilogram pis, na salim long 70t long ol pipel. Long wanem ol i save lusim 10 pesen long taim ol i save putim insait long masin bilong draim pis.

Presiden i tok tu olsem, ol i save salim pis i go long hap bilong Is na Wes Sepik, na Hailans. Ol i save kisim planti oda, tasol ol i no gat inap bilong salim, olsem na mipela i mas i gat moa rum o spes long putim ol dispela solpis.

Anideleni i toktok tu long we bilong kukim solpis. Pas-taim ol i save putim pis insait long wara na lusim i stap inap long wan aua olgeta. Na bihain long dispela pis i save kamap malumalu gut tru. Na bihain ol i save boilim long wara na mekim em i kamap olsem sup.

Pis ol i kolim makau em wanpela narakain samting, long wanem em i helpim ol man bilong pis, na ol man bilong baim pis long Sepik i go het.

Wanpela man i gat bikpela save tru long ol pis, Mista Andrew Richards, i tok ol i ting olsem 50 pis man na meri i bin ranawe long wanpela hul bom bilong lukautim ol pis long Bainyik long yia 1959. Tait i bringim i kam long Sepik. Na ol makau i kamap planti moa long wanem ol i save karim olgeta 5-pela wik.

*Poto antap long raithan i soim man yumi stori long en hia, em Mista Ikuli Magamo em i stretim gut umben bilong em bilong pasim ol makau.*

*Poto namel i soim ol man i wok long solpis faktori long Angoram. Ol i mekim drai gut tru ol solpis na bihain ol i putim ol insait long liklik bek plastik, wan wan bek i gat 500 gram, i olsem wan paun pis. Na olsem tasol ol i salim long ol stua. Ol solpis i no save bagarap sapos yu no putim ol long bokis ais.*


*Poto daunbilo i soim ples bilong Ikuli, em Magendo.*

*Ol poto i kam long Infomesen Opis.*






# SAPOS SPIA I SUTIM MAN




- (1) Sapos spia o supsup i sutim man, yu no ken kamaut-im bek. Mobeta yu larim i stap.
- (2) Brukim o katim stik bilong spia bai em i sotpela.
- (3) Putim sampela klinpela hap laplap o lip banana samting nabaut long hul we spia i bin go insait long bodi bilong man.
- (4) Pasim nabaut long banis.
- (5) Lukaut! Sapos spia i bin sutim bros o banis bilong man, pasim gut dispela hul bilong spia, nogut win i go insait.



Katim dispela lesen na holim i stap. Bihain yu ken wokim buk long en. Planti moa bai kamap.

## BOROKO MOTORS

# SAPOS YU GAT WOK-TINGIM FORD



Yu ken lukim nupela FORD TRAKTA long BOROKO MOTORS long olgeta hap bilong Papua Niugini. Na tu yu ken baim long Arawa Motors, na Sepik Engineers, na long Kimbe Bay Shipping, na Highlands Heneni Goroka, na Higatura Motors Popondetta.



### OL MEKENIK BILONG MIPELA INAP FIKSIM FORD LONG OLGETA HAP

Mipela i gat planti spea pat na mekenik.




Man, wasket bilong yu  
i wel tru, ya

Tru tumas. Em dispela  
kaparesa Gillette i bin  
mekim olsem



# GILLETTE BLUE BLADE



I no gat wanpela kaparesa inap long winim dispela i gat nem Gillette Blue Blade.

Yu ken sev planti planti taim moa long en. Na em i rausim maugras i go olgeta, na wasket bilong yu i lait moa. Em nau. Yu go baim sampela long stua. Yu traim.

DISPELA KAPARESA I GO, I GO I GOOOOOOOO NA I NO LUSIM SAP BILONG EM KWIKTAIM. I OI SEM TASOL.

**SHAVE AFTER SHAVE  
AFTER SHAVE**

Bipo bipo tru long ples Sara i gat wanpela yangpela meri. Dispela meri i no marit yet. Wanpela de em i kisim naip bilong em na na i go long bus long katim pitpit bilong banisim gaden. Taim em i katim pitpit i stap em i abrus long katim pitpit na em i katim han bilong em.


Taim meri ya i katim han bilong em pinis na em i kisim wanpela sel bilong kokonas na larim blut i go daun long sel. Blut i go daun pinis, em i katim lip bilong wel taro na karamapim na em i go long ples.

Taim em i kam bek long moingtaim, em i painim olsem dispela blut-ya i bin senis na kamap olsem raupela kiau. Meri ya i lukim olsem na em i kisim sel kokonas wantaim kiau i go long ples, na putim long haus bilong em.

Dispela kiau i bin bruk long namba tri de na meri ya i painim wanpela pikinini man i bin kamap long taim dispela kiau i bruk. Meri ya i amamas tru na kisim dispela pikinini na lukautim em. Taim dispela pikinini i kamap bikpela em i longpela tru. Na em i laik wokabaut i go long narapela ples em i save kalapim olsem na krungutim wanpela lek bilong em tasol long graun.

Wanpela de dispela pikinini i lusim mama bilong em na i go long wanpela wara. Taim em i go kamap long dispela wara em i goap long wanpela longpela diwai na slip i stap. Em i wok long slip i stap yet na tupela yangpela meri i kam pulimapim wara. Taim tupela i kam kamap, liklik susa i lukim tewel bilong man ya na em i lukluk nambaut long painim dispela man. Na taim em i lukim man pinis, em i tokim bikpela susa bilong em tu long lukim em.

Taim tupela wantaim i lukim em pinis, tupela susa ya i tromoi mambu i stap na tupela i ran i go long gaden long tokim papa bilong tupela. Tupela i go kamap long gaden na tokim papa olsem: "Papa, mi-



tupela i lukim wanpela naispela man tru i stap long wara na mitupela i kam long tokim yu. Mitupela i laik kisim em i kam".

Na papa i tok: "Go kisim em i kam bai em i helpim mi long planim mami".

Tupela susa i harim papa i tok olsem, tasol tupela i ran i go long wara na askim em long kam wantaim tupela long gaden. Taim ol i go kamap long gaden na papa bilong tupela susa ya i givim man ya tupela stik bilong planim mami. Tasol olgeta stik em i laik planim em i save bruk tasol. Olsem na papa bilong tupela susa ya i belhat na raunim em i go.

Tasol man ya i ranawe i go na em i lukim wanpela lapun meri i kisim ston bilong wanpela hul long graun. Taim lapun meri i kisim ston pinis man ya i go daun long dispela hul. Na i go olgeta.

Bruno Takulamini  
Maprik. E.S.P.

## TRENING OL KAVING BISNISMAN

Klostu 20 pipel i save mekim wok long bungim na salim ol kaving samting i bin mekim wanpela kos. Inap long tu wik long Pablik Sevis Komisn Trening Skul long Port Moresby.

Mista Udu Nou, seketeri bilong dipatmen bilong bisnis, i bin givim sampela tok save long ol.

Em i strongim bel bilong ol na i tok, ol i mas strong long mekim go het wok bilong ol. Ol waitman bipo i holim dispela wok ol i gat moa save long pasin bisnis na ol PNG i mas lainim yet. Olsem na ol i painim hat, na planti i save tromoim dispela wok i stap.

Tasol mipela i independen; mipela i mas sanap long lek bilong mipela yet. Mipela i no ken wetim oltaim oltaim arapela pipel i kam na mekim wok bisnis bilong mipela. Nogat.

Kaving na olkain samting olsem - em i samting tru bilong planti pipel bilong mipela. Planti tumbuna na

yumi yet i gat spesel save long sapim olkain naispela samting olsem, na planti ausait pipel i laik baim. Olsem em inap kamap gutpela bisnis bilong mipela. Planti samting bilong ol tumbuna i stap nabaut long ol bikpela so na museum long ol bikpela kantri bilong graun.

Long sampela provins

sampela famili i winim gutpela mani long dispela pasin bilong sapim ol kaving na pentim olkain samting. Olsem na yumi mas helpim ol long salim ol dispela samting. Air Niugini i laik helpim ol tu. Olsem em bai givim spesel prais i daunbilo tru bilong salim olkain kaving samting i kam inap long Port Moresby.

### SAVE LONG KONSTITUSEN

Hap namba 2 (10) bilong Konstitusen i tok olsem:

Olgeta pipel na olgeta dipatmen bilong gavman i mas lukautim bai insait long ol wok grup na politikal grup na dipatmen bilong ol i gat sampela manmeri i kam long ol kain kain provins - na i no bilong wanpela hap tasol. (Dispela em i egens long wantok sistem.)

# AMI PAINIM MOA SOLDIA

## ASKIM 300 FAMILI GEN

Wanpela grup opisa bilong ami i bin raun long ol biktaun bilong Hailans long painim sampela nupela man i laik joinim ami na kamap soldia. Ol j ting long painim planti skul liva i pinisim gret 8 na 9 i laik kam insait. Tasol nogat. Inap nau ol man i bin kamap i laik join, ol i bin winim gret 6 tasol.

Kepten Paul Parikin i tok, ol i kam long Goroka na i laik painim 30 man bilong join. Tasol ol i painim 15 tasol.

Long dispela taim ol i no go raun long ol bikpela skul bilong painim wanem ol studen i laik join. Nogat. Long pinis bilong yia ol studen yet i save askim ami long kisim wok wantaim ol.

Stat long 19 Jun inap tripela wik samting wanpela grup spesel saveman bai raun namba tu taim long Moresby long 300 haus na i toktok wantaim ol pipel i stap insait. Ol i ting long toktok wantaim samting olsem 130 meri na 190 man - stat long ol i gat 15 krismas pinis i go inap 49 krismas.

Ol i laik save: ol i laikim pikinini long famili o nogat? Ol i laikim bikpela famili? Ol i laikim smolpela famili?

Narapela grup bai sindaun toktok wantaim 200 meri - stat long ol i gat 20 krismas inap long ol i gat 49. Na ol i laik askim ol long ol pasin bilong karim pikinini nabaut long Moresby, na fu hamas pikinini bilong ol i dai taim ol i yangpela yet.

TULTUL  
TITAN



Taim yu mekim banis wantaim TITAN PIG WAIA, pasim waia long pos wantaim TITAN waia na em bai holimpas tru. Wankain pasin olsem mi wokim long dispela pos.

ARC TITAN Pty. Ltd. P.O. Box 1026, LAE. Tel. 42.3988.



# Strong Tru.

# HUSKY DYNA

**Niupela trak bilong Toyota i save wok hat tru.  
Yu laik karim kago o pasindia – long biktaun  
o rot nogut long bus – dispela trak em inap.**

# TOYOTA

BRANCHES AT: PORT MORESBY 25 4088 LAE 42 2322 MT. HAGEN 52 1888

**ELA MOTORS LIMITED**

MADANG 82 2188

RABAUL 92 1988

KIETA 95 6083

WEWAK 86 2255

GSP ET 013P



## KLINIM MADANG

Mi gat liklik wari olsem bai yumi klinim taun bilong mipela long Madang. Mi bin i go lukluk raun long Goroka na man, taun bilong ol em i klin tumas. Ol i save pinim ol pepa long notis bot na tok man i pispis o pekpek em K100.00. Na tromoi pipia em K50.00. Na wnaim hap kona yu go em i klin tumas. Na long maket bilong ol tu em i klin tru.

Ol taun kaunsil bilong Goroka i gat komiti bilong holim man save tromoi pipia. Em tasol liklik wari bilong mi long klinim Madang taun. Yu husat yu laik helpim long skruim toktok bilong mi, orait, rait tasol i go long Wantok Niuspepa.

Nol Omele,  
Newtown/Madang.

## NO LAIKIM POTO LONG WANTOK

Dia Edita - Mi laik bekim pas bilong Misis T.K. husat i bin toktok long wanpela toksave i save stap long Wantok niuspepa wantaim ol poto i soim ol kain trabel o birua save kamap namel long "spak na spit i kilim man. Lukim gut dispela poto ol plisman i kisim nogut neks taim em yu tasol". Meri ya i bin rait i go long pas i kam long ol pipel long de 13/5/78.

Misis T.K. Keku bilong Wapenamanda i bin tok moa yet olsem kain poto wantaim hap toktok i no save helpim olgeta pipel bilong Papua Niugini. Em tok tu olsem em save pretim ol planti manmeri na pikinini long wanem ol save stap long bus tru na ol i no save kisim mining bilong poto wantaim hap toktok.

Yes Misis Keku pastaim long mi bekim pas bilong yu, mi laik askim yu olsem yu yet yu bin raitim dispela pas i go long edita o wanpela narapela man o meri i helpim yu long raitim? Sapos yu yet yu raitim

olkain wari bilong yu, mi pilim olsem yu inap long tingim moa gut pastaim na raitim kain toktok long ai bilong ol pablik.

Misis T.K. Keku, mi ting yu inap long tingim gut pastaim olsem planti manmeri i save indai long ol ka save bam long as bilong man save apak na spitim ka. Olsem na ol save traim long soim poto wantaim hap toktok bai bihain bai ol man i ken lukim na traim isi liklik long ol spak pasin na spit bilong ol bai namba bilong ol man mas i dai long ka, birua i ken kam daun.

Misis ya i bin tok long poto na toktok save i pretim ol manmeri na pikinini. Misis mi ting i mobeta sapos yu inap long go raun, na lukim ol narapela taun na ples bilong PNG pastaim long wanem narapela ples i no olsem hap liklik bus ples bilong yu long Wapenamanda.

Ol narapela senta i gat moa ka na moa bia na man save spak na spit na olsem man save dai long dispela kain birua. Mi save harim olsem planti man i save dai long ol man save spak na kilim man long ka long hap bilong Wapenamanda. Tasol kain pas bilong yu i mekim mi sem. Kain pas yu raitim i luk olsem yu bin tingting long hap liklik famili bilong yu tasol na rait long ol we yupela save sindaun na yu no tingting long ol narapela papamama, bratasusa bilong yu long narapela hap bilong PNG.

Gavman bilong PNG i traim moa gut wok bilong em long stopim kain birua save kamap na em ol i soim poto wantaim hap toktok em wanpela we bilong tok save olsem sapos yu spak na spit, bai samting i kamap olsem i stap long poto. Na kain aidia i ken mekim ol spakman i surik na draiv isi taim ol i raun long ka.

Em tasol na mi tnkim edita long givim mi spes long gutpela pepa bilong yu long raitim pas bilong mi.

Yambaran Westcott,  
Wabag/Enga

## MASKI OLPELA SINGSING

Dia Edita - Hia nau mi givim narapela wari. Em i go olsem: Independens De em i bikipela de tru long yumi pipel bilong PNG.

Tasol i luk olsem yumi i no save selebret gut dispela de. Yes, yumi save singsing na hangamapim sampela samting olsem mani na blanket na akis samting.

Tasol yuni no mekim gutpela pasin long pipel long singsing i go 6 klok inap 6 klok apinun long hot san na as bilong ol pen na nek klostu bruk.

Mi ting yupela lida na pasto na gavman na ol bikman long provins nabaut tu ken bungim tingting na tok save long pipel mas

pilim dispela em bik de tu.

Ol i ken wokim pati olsem sampela pipel i save mekim long solapim bel na no gat mining long en. Sampela i ken mekim lotu long God long givim tenkyu i go long em. Long wanem, kantri i no gat trabel olsem ol arapela kantri i gat taim bilong nupela kantri i kisim independens.

Yumi no ken putim singsing yumi save lukim planti taim. Yumi traim na kirapim nupela, olsem bung, plis mas, skul mas o balus resis long skai na pipel i ken lukim, o putim sampela kain kain resis.

Em tasol liklik wari mi i gat. Husat man i gat hetpen rait i go long Wantok na mi ritim.

Gary Angopa,  
Tambul/W.H.P.

## KOLIM NATING NEM JISAS

Dia Edita - Nau mi gat wanpela wari na mi laik autim long Wantok Niuspepa. Mi save harim ol man na meri ol save tok olsem. Ol i save mekim wanpela samting rong long ol yet, na ol i save tok: Jisas Krai. Na mi save harim, em no stret long mi. Sapos yu wanpela kristen. Em bai stret long yu o nogat?

Yu tingim Jisas em i no pilai bilong yu. Nau husat man o meri i save kolim nem bilong Jisas. Ating nau yu mas stop long kolim nem Jisas nating: Sapos yu laik pre, em i rait long yu kolim nem bilong em. Em tasol.

Esori Iki,  
S.D.A./Lae.



## PABLIK TOK SAVE

### SPESEL KOMITI BILONG GLASIM WAITMAN LONG BISNIS

Planti lokal pipel i wari long sampela waitman na nupela sitisen i mekim kain kain pasin long wok bisnis. Long sampela smolpela bisnis o tretstua na long pablik kampani na koporesen, ol i save putim nem bilong lokal meri bilong ol olsem hosman. Sampela taim ol dispela bisnis i yusim lokal meri o lokal man olsem trik tasol. Olsem na palamen i bin makim wanpela spesel komiti bilong glasim gut na bungim tok save long ol dispela kain bisnis. Mista Toni Bais em i siaman bilong komiti.

Komiti ya i laik bai ol pipel na grup na asosiesen i ripot long em long ol kampani o bisnis i save mekim kain pasin olsem.

Long ripot ol i mas tok save long ol dispela samting: nem bilong bisnis; kain wok em i mekim; adres bilong em; hamas man i holim sea long dispela bisnis; ol man i holim sea i bilong wanem kantri; bisnis i gat hamas mani. Ol i mas tok tu: wanem samting i luk kranki long dispela bisnis o kampani.

Komiti tasol bai lukim dispela ripot yu salim i kam; ol bai haitim long ai bilong ol man nating. Tasol yu mas hariap long mekim ripot na salim i kam bipo long mun Julai yet, long wanem komiti i mas kibung na redim ripot i go long palamen long mun Desemba.

Bai dispela komiti i gat pablik miting long wan wan provins, na em bai autim de na ples insait long ol niuspepa na radio.

Salim ripot bilong yu i go long:

The Chairman  
Select Committee on Expatriate Involvement in Business  
National Parliament  
P.O. Box 596  
Port Moresby

*Elisabeth Makarai*

Elisabeth Makarai  
Secretary to the Committee

## Ol haus go bek long gavman

Mista Paul Japhlom, komisina bilong bosim olgeta haus bilong gavman, i tok im Pablik Sevis Asosiesen miting long Port Moresby olsem: Gavman yet bai kisim bek olgeta haus bipo em i givim long han bilong hausing komisin bilong bosim.

Stat long nupela yia, bai gavman i mekim olsem bipo, na Nesenel Wok Atoriti bai lukaut long fiksim ol haus bilong ol man-

meri i wok long gavman na i kisim gavman haus. Wapela nupela dipatmen ol i kolim Dipatmen bilong Urban Menesmen - em i dipatmen bilong bosim ol taun - bai holim dispela wok Gavman nau i laik kirapim dispela nupela dipatmen.

Mista Japhlom i tok, komisin bilong em i no inap mekim olgeta wok bilong fiksim na stretim olgeta haus bilong ol wok-

man bilong gavman insait long ol dispela yia, bikos ol i sot long mani. Ol i bin askim long K9 milion kina na gavman i bin makim K2 milion kina tasol long ol. Olsem na han bilong ol i pas.



## Kamapim paul long ples

Long planti viles bilong Papua Niugini ol paul i no save kamap patpela na i no save putim kiau. As bilong dispela em i olsem: ol i save westim planti taim long ran nabaut long ples, na resis wantaim ol dok long painim ol hap piia kaikai. Na tu planti taim moa ol dok i painim ol kiau bilong paul na i kaikai.

Man i laik bai ol paul i kamap gut na i putim gut kiau i mas bihainim tasol sampela liklik lo o rul. Olsem:

(1) Wokim liklik banis paul, bai ol i ken slip na hait long nait na tu ol i ken kalabus insait long banis inap long sampela aua olgeta de.

(2) Famili i no ken tromoim nating ol pipia kaikai i go ausait long windo o dua. Nogat. Mobeta ol i putim i stap na long moningtaim ol i ken tromoim insait long banis paul. Ol wantok i stap klostu i ken mekim olsem tu. Olsem tasol ol kakaruk i ken kisim kaikai na i no mas pait wantaim ol dok.

(3) Ol liklik manki i ken bungim sampela gras o lip long gaden long moningtaim na troimim tu i go insait long banis paul. Lip bilong pinat i gut tu.

(4) Ol kakaruk i mas stap insait long banis inap long

belo stret. Moningtaim em i taim bilong ol i putim kiau.

(5) Long belo bek, orait, nau ol i ken go arasait na raun nabaut painim ol binatang na kaikai bilong ol. Sapos ol i save pinis, belo em i taim bilong go ausait, orait, bai putim kiau long moningtaim.

(6) Paul i laik putim kiau long ples tudak.

(7) Narapela samting, taim ol paul i yangpela yet, ol i save lainim kwiktaim sapos yu mekim wanpela tandok bilong singautim ol long kaikai, olsem sapos yu paitim plet o sospen - na bihainim yu tromoim kaikai long ol.

(8) Long sampela ples i gut yu banisim gut haus kakaruk, nogut moran i kam long nait na daunim sampela paul.

"Sapos wanpela man i no peim yet samting em i kisim pinis, yu no ken promis bai yu kisim dispela hevi bilong em i kam long yu. Sapos yu mekim olsem na yu no inap pe, bai ol i kam tekewe olgeta samting bilong yu - inap long bet bilong yu yet."

Dispela em i tok bilong buk Proverbs bilong Olpela Testamen sapta 22, namba 26.

# FANTA

TRADE MARK REGD.

## IT'S A BOTTLE OF FUN



FANTA IS A REGISTERED TRADEMARK OF THE COCA-COLA COMPANY

HRME 015.6366



**SAMSON I WIN**

( Jas 16: 21 - 30 )

Dilaila i bin trikim Samson. Ol Filistia i kalabusim em, rausim tupela ai bilong em, na em i wok long brukim rais long biktaun Gasa. Tasol ol soldia i no lukim, gras bilong em i gro gen...

God Papa, yu helpim mi wantaim moa long daunim ol birua bilong Isrel, em ol Filistia ya.




Ausait long kalabus ol Filistia i redim wanpela bikpela selebresen long onaim god Degon.

Orait, nau yupela mas presen long Degon. Em i bin putim Samson long han bilong mipela.

Taim ol i pati

Mipela inap mekim wanem samting long mekim ol i lap?

O mi save... yumi kisim Samson i kam na ol pipel i ken tok bilas long em.



Olsem ol i lusim Samson long kalabus na em i kamap long tempel

Bringim em i kam antap hia, bai ol pipel i ken lukim wanpela bikpela strongpela man bilong Isrel.



Olsem gras bilong Samson i kamap, strong bilong em tu i kam bek

Ol pos ston i stap we? Mi laik sanap klostu long ol.

Hia...yu kam na mi ken putim han bilong yu long ol



Soim mipela, olsem wanem yu karim bikdua bilong Gasa i go...

Mipela laik lukim yu pait wantaim laion long han nating.

Liklik boi...yu ranawe nau.. longwe tru ausait long dispela tempel




God Papa, wantaim moa tasol yu givim bek strong long mi.

Na nau larim mi dai wantaim ol dispela Filistia.



Samson i taitim bun bilong em tru, em i subim tupela pos ston na bikpela tempel tru bilong god Degon i kapsait olgeta na i kilim i dai olgeta Filistia i bin tok bilas long Samson.



Tasol pait i no pinis yet. Na long dispela taim nogut wanpela meri i kamap long wanpela longwe ples na em bai givim Isrel wanpela king i gat bikpela namba

Used by permission of the David C. Cook Foundation. Copyright 1973, David C. Cook Publishing Co. All rights reserved.

# STRETPELA ROT

Driman bilong Jon Banyan

"Pilgrim's Progress" in Pidgin

I gat 104 pes  
sain? 51 X 51 cm.

Salim 75t. i kam wantaim adres na mipela i salim buk i go long yu. Prinim nem klaia.

Christian Bookshop  
Box 169, Wewak



Christian Bookshop  
Box 78, Mt. Hagen

## PNG INAP RESIS WANTAIM AUSTRALIA LONG FUTBAL

Ol i tok long larim tim bilong PNG i kam insait long pilai namel long ol Australia rul futbol tim bilong ol yangpela boi i no gat 17 krismas yet, em ol i save pilai resis olgeta yia long taim bilong holide bilong kwinqwin long Jun.

Dispela i kamap long wanem tim bilong PNG i bin pilai gut tru taim em i raun long Australia long 25 Me inap 12 Jun. Namba wan tim bilong olgeta provins bilong Australia i winim PNG long 11 poin tasol. Na PNG i bin winim tupela bikpela tim.

Tim bilong PNG i gat 15 pilaya bilong Port Moresby, 4 bilong Lae, 2 bilong Goroka, 2 bilong Rabaul, na 1 bilong Wewak.

*Poto i soim man bilong PNG futbol tim, William Maha i sainim nem bilong em long buk bilong ol skulboi long Melbourne.*

*Narapela poto i soim tupela memba bilong PNG tim, Laka Mata (lephan) na William Maha i sekan wantaim Trevor Barker bilong Sen Kilda tim bilong Victoria tim.*

Australian Information Poto. Patrick McArdell i kisim.

